

赤城志卷第十九

山水門

山

台以山名州自孫綽一賦光價殆十倍今以其所登
 載質之見聞秀概神標炳炳如星日非若野史浪記
 譚河說海誣誕而不經也按道書洞天福地於是邦
 為盛夫神仙之事雖聖賢所不齒然必有靈區異境
 而後宅焉故州於東南無慮百數而台山之詭異巖
 絕獨稱雄於世間闔閭之家面怡憤亦他邦所無也
 夫豈以其巉然之阜卷然之石能使人鋪說而誦詠
 嘉定赤城志

卷之十九

一臨海宋氏
二重梓

哉隱凡澄思必有得諸其山之外者矣

州

大固山一名龍顧山在州西北三百步高八十丈周
 回五里按舊經晉隆安末孫恩為寇刺史辛景
 於此鑿塹守之恩不能犯遂以大固小固名山
 壁記序云隋平陳并臨海鎮於大固山以千人
 護其城則得名舊矣而道史屬詞乃云茅盈得
 道於臨海鎮東龍顧山駕鶴上昇又紹興十年
 道士費德泓卓庵北山斷地得晉永和九年斷
 碑亦有龍顧山字蓋本名大固後又名龍顧焉

山勢逶迤抱州治如屏障自州治後而北則曰北山自北山稍東接白雲寺則曰白雲山其實一山也

小固山在東南二里與大固山相望高七十丈周回

四里 詳見大固山

巾子山在州東南一里一百步連小固山兩峰如恰

幘一號恰幘峯其頂雙塔差肩屹立有明慶塔院院之南有翠微閣北有廣軒軒下瞰闔閭南眺郊藪塵市山川之盛一目俱盡故其勝概名天下登臨者必之焉又有曲肱齋齋側有礙

嘉定赤城志 卷之十九

二臨海宋氏重梓

雲軒又其巔有息庵元祐中僧願鴻所建今廢

任翻宿恰幘精舍詩云絕頂新秋生夜涼鷓飛松露滴衣裳前村月照半江水僧在翠微閣竹房是難同闌干夜壓江心月鈴鐸秋搖岳頂風重疊畫欄遊世界稀疎清磬徹虛空有時問著禪僧路笑指丹霄去不窮章守得象題云步步雲梯徹上層回頭自覺欲飛騰頻來不是塵中客久住偏宜物外僧下寺鐘聲沉地底前峯塔影落階棱凭欄未盡吟詩興卻擬乘間更一登日近極目得天多別嶂千屏列長江一帶過常聞淨居境况此復如何舒直登山懷道人詩云不見風流李謫仙彩箋誰繼碧雲篇黃花零落芙蓉老惟有青山似去年何執中廣莫軒詩云曲檻小欄杆登山臨咫尺間望隨流水遠高共白雲閒亭柏僧歸路江風客度灣覺來生羽翼疑是夢中還陸長倩詩云凌虛雲磴陟崔嵬軒檻仍從絕頂開邑屋萬家迷向背江流三

面自滌洞金山每限波濤阻星石會登培塿來
爲是會稽東部郡不教更號小蓬萊 葛守則
詩云勝地藏東越嚴城聳二岑萬燈迎日早孤
磬出雲深雪霽茗初試雨涵山半陰茲焉卽方
廣有路到天心 胡宗哲詩云昔人亭榭久荒
殘今復高軒峙翠巖眺望可周千里景晏游非
止一時歡樓臺遠近看如畫日月高低轉似丸
最好使君登覽罷夕陽羣騎促雕鞍 劉握詩
云天邊登覽處雕檻俯層岑山到三吳盡江連
百越深柳烟含晚色花雨伴春陰騷雅知多助
清虛在賞心 陳知柔題云司馬胷中著雲夢
杜陵眼底蓋乾坤吾衰不復論茲事飽看孤帆
村落遠

臨海

蓋竹山在縣南三十里按輿地志一名竹葉山中有

洞名長耀寶光之天周回八十里洞淵集所謂

嘉定赤城志 卷之十九

三臨海宋氏 重梓

第十九洞天也雲笈七籤云仙人商邱子治之

道藏洞天記及名山記皆云蓋竹山福地觀壇

各一所有竹如蓋故以爲名抱朴子云此山可

合神丹有仙翁茶園舊傳葛元植茗於此又有

禮斗壇石窗石几石牀石白石硯塵外記云中

有石井橋北小道直入有杉六叢左右有石室

晉許邁嘗居之舊傳漢末有陳仲林等四人入

此山得道真靈區也 或云紹興間有二女郎出

以爲魅穢其 又有丹鳳樓香鑪天門二峯詭異

處遂不復見 唐守仲友詩云籃輿東出初
竦特爲游覽之勝 雨收衆山卷霧奔蒼虬麥田

嶽嶽連千疇去年見種今有秋農家掩大印快
活使君不去能無羞春光欲盡誰挽留千林蕤
蕤新絲柔桐華遠近澹無思自開自落那關愁
洞天為我暫晴色使我蠟屐窮冥揆天門發秀
萬馬下水口離立羣峯稠瀑泉對面瀉絕壁寶
劍卻倚丹鳳樓溪聲噴薄雷震動石色古怪神
刺鏐洞門哈呀風颭香鑪峯下蛟龍湫中岑
特色小為貴左右旌節森戈予幾年秘奧一日
賭譚笑指示君知不精廬但欲占勝處事事棟
宇非良謀飛廊跨水納佳氣突兀殿堂居上頭
軒窗高下有奇致洗滌肺膈明雙眸我將於此
棲羽流鳳笙鶴駕應來游丹成一舉凌九州下
觀濁世如浮漚靈祠歎謁路阻修層巖傾澗遠
且幽經營輪奐亦未就揮金爾助何須求晚雲
漠漠鳴雨鳩僕痛泥滑我欲休虹橋列炬趣歸
騎城鼓已報更初籌追攀別乘聊復爾乘興何
如王子猷習池不為倒載
去兒童不用拍手攔街謳

白鶴山在縣東南二十里上有展旗峯洗腸潭又有

嘉定赤城志卷之十九 四臨海宋氏重梓

劍崖舊傳趙炳留劍痕於此按寰宇記山上有
湖中多盤石前有石槌石鼓鼓鳴則兵亂昔有
白鶴飛入會稽雷門鼓中擊之聲震洛陽故以
為名又臨海記云山上有池泉垂溜遠望如倒
挂白鶴之狀故有泉名挂鶴又郡國志云漢末
有徐公於此山成道控鶴騰空而去故有鶴挂
嶺焉三說不同未詳孰是

真隱山在縣西南四十里按寰宇記高一萬六千丈
周回三百里與仙居羣羌山相接本名括蒼又
名天臯唐天寶中改今名又按道書云括蒼山

在會稽山東南五嶽圖序云栝蒼山東嶽之佐
神仙傳云王方平居崑崙往來羅浮栝蒼山石
壁上有科斗字高不可識宋元嘉中遣名畫圖
於團扇焉

龍符山在縣東一百七十一里海中本名覆釜按輿
地志云章安縣東五十里海際有覆釜山臨海
記及寰宇記云東海有山形似覆釜吳越春秋
云吾得覆釜書除天下之災而劉世軌記云夏
帝登此山得龍符之瑞唐天寶六年遂改今名
山有巨跡相傳夸父逐日所踐云

嘉定赤城志

卷之十九

五臨海宋氏
重梓

臨海山在縣東北二百四十里接海本牛頭山以有
石似之故名唐天寶六年改今各山下有二溪
一始豐一樂安至州北合流云

協寅案樂安原本
本譌作東女非

秀麗山在縣東二百里海中舊名芙蓉臨海記云州
東北七十里海中有芙蓉山僧智顛傳云出海
望芙蓉山竦若紅蓮之始開蓋指此也山上有
石龕方圓一丈巉巖如斲唐天寶六年改今名

卓掖山在縣東北四十五里以其處天台左掖故名

上有隔塵亭

石象之題云山椒亭榭適徘徊
膜煩襟斗頓開若有塵埃何處隔

此中自是
少塵埃

樓石山在縣南六十二里西北帶江仰望如樓狀按謝

靈運游山志云樓石山多支子又僧懷玉記有大小樓石山土人云內者為小外者為大

石新婦山在縣東南七十里東瀕江按臨海記云山

土石紺色如人狀寰宇記云在縣東一百一里

旁有奇石如婦人悉紺色宋文帝亦嘗遣畫工

圖於白團扇焉左緯詩云烟蘿為髻霧為巾獨立江邊經幾春無故被人呼作

婦不知誰是畫眉人

岐山在縣東南六十里黃巖方山戴氏贅杜氏居於

此故俗呼杜岐山按臨海記舊有謝詩杜岐一穴占三鈞聳筆金門玉戶新

石鼓山在縣東一百五里按臨海記云黃石村有石

嘉定赤城志卷之十九六臨海宋氏重梓

鼓山山上有石似鼓兵革興則鳴舊有柵城唐

正觀初刺史李元奏置起州兵二千人護之僧

灌頂嘗避地於此陳侍郎公輔詩云有山名石鼓千古鎮南溟大手不勞力

動時天下驚

兵山在縣東一百里唐末有兵遁於此故名

玉峴山在縣東一百七里本黃石山今縣東南地名

黃礁一名黃石與相傳黃石公居此有石碁盤

尚存唐天寶六年更今名中有石澗可容數百

人四面多林木臨海記云黃石山洩水九層公

崖如白練舊經云昔有僧入其穴三日而回言

其中多水有伏翼大如鷺

上足山在縣西南一十一里一名戲龍西接真隱山
南連永嘉西南連栝蒼有石井龍湫巖上有瀑
布高十餘丈歲旱必禱焉

湖山在縣北四十里臨海記云其上夷坦可坐數百
人俯視江海邑屋爛然在目俗以重九日多登
焉

白鵠山在縣西北六十里以其水傾注遙望如倒挂
白鵠故名按臨海記云中有深湖魚大如二百
斛舟修可二丈疑其誕也

嘉定赤城志

卷之十九

七臨海宋氏
重梓

金鰲

一作鷺

山在縣東南一百二十里東有一小洞昔

有人夜艤舟於此一物起波間光彩注射追視
乃一巨鰲金色故以爲名

詳見善濟院

赤山在縣東南一百三十里絕頂有古塔塔之下有
石函盛小銅塔銅塔之內有銀壺盛舍利俗傳
梁王嘗所施

白山在縣東南二百五十里按臨海記郡東南有白
山望之如雪其上有湖舊傳金鷺於此集焉下
有溪其水金色

合旗山在縣東一百三十里舊傳僧灌頂居攝靜寺

會有海寇至頂講經自若寇見旌旗耀日有神皆丈餘懼而遁故以名山

東刊山在縣東九十一里一名天柱東南接黃石山按臨海記山極高遠蓋禹隨山刊木因以為名

晉任神廟嫌諱葬焉

望海尖山在縣東北四里後嶺上其峯高聳宜遠眺今土人多以為田麥時翠浪翻浮最為可愛

日山在縣西五里以其面東朝日視諸峯獨高故名牛極山在縣西北一十里以牧牛路至此極故名上有平坡數畝可遠眺

嘉定赤城志

卷之十九

八臨海宋氏

重梓

白巖山在縣西一十二里舊名白馬唐天寶六年改今名

古塘門山在縣南二十里兩峯對峙中空十餘丈舊傳海門在焉

新羅山在縣西三十里與八疊嶺相望鳥道巘岈多野果土人利之

許孝山在縣北四十五里舊傳有許其姓者居喪至孝每一慟則羣鳥悲鳴故以名山

遮呀山在縣西北五十里以兩山嵯岈如齒並列故名

燈壇山在縣西南六十里北連栢蒼舊經云上爲石壇每陰雨則有光如燈故名

宜山在縣西六十里其巔平衍良疇可十頃上有潭瀑沾溉水旱不能災

童峙山在縣東七十里按僧遵式安仁院記作峒峙字

鴻鶴山有二一在縣西七十里一在縣西北六十五里

龜潭山在縣東七十里舊傳下有石龜戴之故名

九盤山在縣東南七十五里以其縈迴九轉故名絕

嘉定赤城志卷之十九 九臨海宋氏重梓

頂可眺大海有小寺亦以山名

閭邱山在縣東北八十里昔人逸民間邱氏居此故名

亭山在縣南一百里其地有寨由郡泛舟入黃巖者多候潮於此

翠環山在縣東南一百三十里峯巒迴合有若環翠故名

高相山在縣東北一百三十五里一穴無際按會稽圖云與海通

宴三山在縣東一百五十里按臨海記有越王望海

館下有湖多金鷺飛魚

高麗頭山在縣東南二百八十里自此山下分路入

高麗國其峯突立宛如人首故名

常風山在縣西五十里以其穴常有風故名

碧雲山在縣西五十里而常風山

帽尖山在縣西七十里以其形如帽而銳故名

牛頭山在縣東二百八十里東北連寧海

碧潭山在縣西北一十三里俗呼壽安山

鳴鶴山在縣西二十里

西岑山在縣東南六十里

嘉定赤城志



卷之十九

十一臨海朱氏
重梓

寒石山在縣西北七十里

十方山在縣西八十里

三石山在縣東一百二十里

白楓山在縣東南一百二十五里

海門山在縣東南一百二十六里瀕海

堀門山在縣東一百五十里海中按郡國志作峒門

輿地志云山腹穹窿一穴透頂其中有聲則風

起水涌且主兵吳時已如此

大雄山在縣東二百一十一里海中

舊傳晉僧懷玉
常伐木於此佈

風與浪合有光如
練導至涌泉寺

熨頭扣山在縣東二百一十一里海中西有嶼民多居焉

石竈山在縣東南七十里海中以有石若竈然故名
鷺臯山在縣東一百五十里海中以其狀如鷺臯吸水故名下有海塗捺爲田

輕盈山在縣東南一百六十里海中有滬業者居焉

石佛山在縣東南一百七十里海中以其狀如佛故名

蛟巉山在縣東南一百八十里海中上多支子且有
嘉慶赤城志卷之十九
十二臨海宋氏重梓

田及民廬

蒼郭山在縣東北二百一十一里海中以其西有蒼郭村故名

小門山大門山在縣東南一百里海中
壽昌山在縣東一百五十里海中

莆門山在縣東南一百五十七里海中
東麕山在縣東一百五十七里海中

西麕山在縣東一百六十二里海中
主山在縣東南一百七十里海中上多民居

鹿頭山在縣東南一百八十里海中

虎頭山在縣東北二百六里海中

澤青山在縣東南二百一十九里海中

檀澳山在縣東北二百八十里海中

伯達山在縣東北二百八十里海中

嶼山在縣東北二百八十里海中

澤山在縣東北二百八十里海中

雲峯有二上峯在縣西南五里下峯在縣西南一十九里

三峰在縣東一十五里或云三峰旁有嶺亦以是名

中峰在縣東六十九里按安仁院記有東接中嶽之

嘉定赤城志

卷之十九

十三臨海宋氏
重梓

語

惠峯在縣南二十里

靈峯在縣東南五十里

雙巖在縣南一十五里峭峻並峙爲江南諸山之冠

州治對焉

石船巖在縣西一里城山嶺以其若船狀故名中有

小穴舊傳白鷹常棲其上

百丈巖在縣東北三里法安院側上有龍湫雨驟則

雙瀑交垂如玉簾之狀章守得象詩所謂千尋

練挂雙流瀑是也

伎石巖在縣南一十里巖尖有巨石橫其上著巖僅尺許衆舉之莫能動

聖巖在縣南二十里錢柱山險絕舊傳有神躍馬於此故名至今有馬蹄痕又名馬蹄巖

白巖在縣南二十四里孤絕秀異林木鱗次以其皆白石故名上有龍湫水如白練云

象鼻巖在縣西三十五里以其狀似之故名下枕深潭

雲巖在縣東四十五里以白雲常蔽其上故名

獅子巖在縣東五十里下里塽口呀然欲躍兩足垂

嘉定赤城志

卷之十九

三臨海宋氏重梓

前狀如獅子踞地故名

豬頭巖在縣西十里

松巖在縣西南一十五里

羅漢巖在縣西二十五里

石龜巖在縣東南三十五里

白馬隱身巖在縣東三十五里

寶藏巖在縣西四十五里

桐巖在縣東五十里接寧海

禪師巖在縣西五十五里

烏巖在縣東七十里

仙巖在縣東一百二十里

彭公嶼在縣東一十里

古謠云彭公嶼沙漲出狀元破石湖

在縣西日山北年沙漲謝錢二公果相繼入相今湖水亦漸穿矣

樊績嶼在縣東南七里

見臨海記詳見冢墓門

新羅嶼在縣東南三十里昔有新羅賈人艤舟於此

故名

騰嶼在縣東北六十里南有溪清泚出巨蟹焉

龜嶼在縣東一十五里

巖嶼在縣東一百二十里

獨嶼在縣東南一百三十五里

嘉定赤城志

卷之十九

古臨海宋氏重梓

行嶼在縣東一百四十六里海中

馬嶼在縣東一百七十里

城山嶺在縣西三里以築城其上故名

世華按原本作西南

馬嶺在縣南五里舊傳有馬氏者鑿山爲之故名

石姥嶺在縣西北三十里石有神靈人祭之以祈田

蠶凡經從者亦拜焉

新嶺在縣南三十五里入白大左嶼至嶺脊分臨海

黃巖界凡三上三下云

後嶺在縣北四里

蔡嶺在縣東八里

平嶺在縣南一十里

護郭嶺在縣西南一十里

開浦嶺在縣西一十七里

八疊嶺在縣西二十三里

長石嶺在縣南二十五里

小嶺在縣西二十五里

大嶺在縣西三十里

朱沙嶺在縣東三十里

拗嶺在縣南三十里

孝慕嶺在縣南三十里

嘉定赤城志

卷之十九

五臨海宋
重梓

磨石嶺在縣西三十五里

大左嶺在縣南四十里

七孺嶺在縣西四十里

詳見鄉里門

小石嶺在縣西四十七里

五謹嶺在縣西北五十里下乃大石塽云

常風嶺在縣西五十里

長田嶺在縣南五十里

象坎嶺在縣西五十五里

天門嶺在縣西六十里

狼坑嶺在縣東六十里

寧和嶺在縣東六十里

童峙嶺在縣東九十里

龍壤嶺在縣東南九十里

金溪嶺在縣東北九十里

二嶺在縣東南一百五十里

城門嶺在縣東南一百五十里

芙蓉洞一名石鼓洞在縣東一百四十里隆恩寺後

洞有二形如石鼓大小相連大可方三丈小僅

三之二俗傳多怪物其西相距三四里有巨石

高十數丈屹立山巔號石柱下亦有石室方二

嘉定赤城志

卷之十九

十六臨海宋氏

重梓

丈瓊瓏上通俗呼爲穿巖云

太平巖洞在縣西三十五里因鄉得名巖峰嶺銜上

常有雲氣其旁林木蔽映泉瀑飛垂有石室石

枕石牀石杵之類

常風洞在縣西四十里中極幽遠舊有石欄護之宣

和中亦嘗駐兵於此

招賢洞在縣西六十里因寺得名宣和寇難朝廷遣

將鋤擊以其地據險而守焉

平巖洞在縣東八十里舊傳仙人所棲有石門石窗

石井石牀巖竈之屬

金仙洞在縣東一百五十里以其下有寺曰金仙故名一又名雉溪洞僻絕縈遠蓋瞿曇之所家云石蓮洞在縣東一百七十里口徑六尺深不可入每亭戶煎煮土人採捕皆聚其旁焉其下則海塗金雞石在皇華亭下瀕江根有兩足巨潮衝突不動卽皇華真人上昇處石間有泓水極清與報恩寺前龍井通昔有人浮梗井中自石而出飛霞石在蓋竹山舊傳仙人上昇於此石疊三層牧孺戲其上以手轉之不墜

疊石在縣南九里高下羅生如甃疊然

嘉定赤城志

卷之十九

老臨海宋氏重梓

蝦蟇石在縣東南五十里江側

石塘在縣西三十五里蓋以巖穴狀如塘故名其上山泉飛注於此

石柱在縣東三十里上沙

石倉在縣東三十六渡之第四渡

石牛在縣東四十里下管洋